

## POZIV ZA PODNOŠENJE PRIJAVA UČEŠĆE U OBUCI ZA MLADE LIDERE u okviru

### projekta *Lideri protiv netolerancije i nasilnog ekstremizma (LIVE)*

Misija OSCE-a u Bosni i Hercegovini provodi projekt pod nazivom *Lideri protiv netolerancije i nasilnog ekstremizma (LIVE) - obuka za mlade u Bosni i Hercegovini*. Obuka će unaprijediti kapacitete lidera civilnog društva da dobrovoljno i na efikasan način poduzmu i zagovaraju učinkovite mjere za prevenciju i suprotstavljanje nasilnom ekstremizmu i radikalizaciji koji vode ka terorizmu (P/C VERLT), naročito na lokalnom nivou. Korištenjem multidimenzionalnog pristupa i principa uključivanja cjelokupne društvene zajednice, LIVE inicijativa ima za cilj promociju liderstva civilnog društva u kontekstualno specifičnim aktivnostima prevencije VERLT-a, s ciljem podizanja svijesti na lokalnom nivou, izgradnji otpornosti i promociji alternativnih narativa i prilika za pozitivne promjene.

### Želimo vas podržati u pokretanju inicijative!

Obuka LIVE nastoji da inspiriše i osnaži mlade da koriste svoje kapacitete u izgradnji otpornosti na netoleranciju i nasilni ekstremizam - i da naprave pozitivne promjene u zajednicama iz kojih dolaze.

Tražimo 15 (petnaest) visokomotiviranih mladih osoba iz cijele Bosne i Hercegovine, koji će:

- Steći znanja i vještine za poduzimanje sigurnih i efikasnih mjera u oblasti P/C VERLT-a, uključujući u oblasti ljudskih prava, planiranja i evaluacije, uključivanja partnera i informiranosti o sigurnosti;
- Imati podršku mentora koji će im pomoći prilikom identifikacije i razvijanja inicijativa za jačanje otpornosti na nasilni ekstremizam i radikalizaciju koji vode ka terorizmu u njihovim zajednicama;
- Razmijeniti mišljenja i učiti od drugih mladih osoba sa područja na kojima djeluje OSCE.

### Ko može aplicirati i na koji način?

Da biste se prijavili, morate imati između 18 i 30 godina i imati boravište u BiH. Poželjno je da imate iskustva u radu sa NVO sektorom na lokalnom nivou, da ste opredijeljeni za poduzimanje aktivnosti usmjerenih protiv netolerancije i nasilnog ekstremizma, te da ste posvećeni univerzalnim ljudskim pravima. Također je poželjno da imate uspostavljene odnose na lokalnom nivou koji će omogućiti efikasnu i učinkovitu implementaciju vaše inicijative.

Kao dio procesa podnošenja prijave, potrebno je da dostavite svoju biografiju (CV) i kratko motivacijsko pismo na sljedeće e-mail adrese: [sejjaf.hadzic@osce.org](mailto:sejjaf.hadzic@osce.org) i [amila.karabeg@osce.org](mailto:amila.karabeg@osce.org). **Rok za podnošenje prijave je 2. februar 2020. godine do 23:00 sati.** Nakon okončanja procesa selekcije, odabrani učesnici dobit će detaljnije informacije o obuci.

Napominjemo da uspješan završetak obuke, kao i naknadno razvijanje i implementacija vaše inicijative zahtijeva značajnu posvećenost i ulaganje vašeg vremena.

## Šta obuka LIVE nudi učesnicima?

LIVE obuka sastoji se od dva modula u trajanju od po jedne sedmice, na kojima morate biti lično prisutni. Tokom prelaznog perioda u trajanju od maksimalno dva mjeseca, između dva modula, učesnici će na lokalnom nivou razvijati i/ili implementirati P/C VERLT aktivnosti/inicijative koje će ovaj projekt podržati. LIVE obuka uključuje sljedeće:

- Zahvaljujući prvom modulu unaprijedit ćete vaša znanja i vještine za razvijanje svoje inicijative, te poduzeti niz planiranih koraka kako bi se ona sprovela u djelo.
- Tokom prelaznog perioda između dva modula, radit ćete na detaljnijem planiranju vaše inicijative, što uključuje konsultacije sa partnerima, savjetovanje sa LIVE mentorima i razvijanje saradnje sa partnerima, uz finansijsku podršku osiguranu kroz početna sredstva u iznosu do maksimalno 500 eura po učesniku.
- S ciljem dovršavanja vaše konkretne inicijative, drugi odnosno završni modul će produbiti vaša znanja, unaprijediti vještine i omogućiti vam da s ostalima podijelite uspjehe, što uključuje identifikaciju strategija za prevazilaženje potencijalnih izazova. Vi preuzimate obavezu da naknadno implementirate vašu inicijativu/aktivnost, te da obavještavate OSCE i ostale partnere o postignutom napretku u tom području.

## Logističke informacije

Obuka će se održati u Sarajevu u februaru 2020. godine, a datumi će biti blagovremeno potvrđeni.

Učešće na obuci je besplatno. OSCE snosi putne troškove i troškove smještaja za učesnike.

Sva predavanja će biti održana na engleskom jeziku, uz obezbijeđen simultani prijevod.

Radujemo se vašim prijavama. Dajte sve od sebe.